

SU PROMER AMOR

PROLOGO

Nº 1

Querido Lector....

E historia aqui ta sinja nos conocé ho-
pi cos den asuntu di religion, pero es-
pecialmente di esun qu ta ser tratá a-
qui.

Nos ta sinja conocé berdad y mintira sin
limite.

Aqui nos ta haci conoci cu Julio y Cla-
ra, quende tabata stima otro ciegame y
den e novela aquinos ta combina nan a-
mor cu e pasashinan q-u a ocurri den es
dianan.

Oh amor! Nada bo no ta respeta ?

Hasta den bankinan di misa bo ta penetra
y conquista curazon di almanan femenina?
Si, for di e promer dia qu Julio y Clara
a topa cu otro, tur a realizá e sintimen-
nan q-u cada unu su bista tabata expre-
sa.

Un dia nan dos lo por a uni y bira hom-
ber y muher. Clara tabata miembro di Igle-
sia adventista y Julio bishitante.

No obstante q-u Clara su mama tambe ta
un adventista, toch el a desprecia tur
hende di color scur. Pa e motibunan aqui
e amor entre Julio y Clara a fracasa y
Julio su terminá cion, un escena dramati-
co.

Pues mi ta introduci:

SU PROMER AMOR

AUTOR

SU PROMER AMOR

"Ora Hesus ta bini"

"Ora Hesus ta bini"

Esaquí tabata un parti di e cancion qu e cro-
yentenan tabata canta den un Iglesia situa na
Mundu Nobo. Bankinan tabata yen di hende y fuer-
te boz di grandi y chiquitunan tabata resona.
Julio, quende invita pa un amigu, a tende e can-
to aquí pa di promer bez den su bida. E mes ta-
bata un hoben catolico y semper el a tende qu
e religion aq ui no ta bon y qu tur hende qu
bira miembro di e Iglesia aquí ta bira loco.
Pero sigun e mes a experimenta caba no a exis-
ti tal cos. For di ora qu el a drenta na porta
di misa, den compania di su amigu Feliz, el a re-
recibi nada mas qu carinjo pa parti di tur e
miembronan di e congregacion aquí. Tur tabata
yama otro hermano y hermana y a trata otro ma-
nera ruman. Banda di Julio na momento di canti-
ca a permanece su amigu Feliz.

Esaquí a ripara me's ora qu Julio su tinu no ta-
bata pa e palabranan di Biblia cual e ministro
tabata predica, pero pa e mucha muher sinta den
e promer careda di banki padilanti. E senjorita
aquí a q ueda manera un angel mei-mei di e o-
tro miembronan, no pasobra su color tabata
blancu, pero tambe pa e splendor di beyeza, qu a
forma un krans alrédor di su semblante.

Na momentu di oración Julio no tabata concen-
tra riba un TATA qu ta na cielu, pero riba e
bunita senjorita su dilanti.

Mil y un pensamentunan tabata cruza mente di
Julio y cien y un desconan a rondona su cu-
razon di apenas 17 anja di edad.

"Mi quier sigui mi Maestro

"Te na unda e ta guia mi"

Masque tur hende bandona' mi"

Oh Senjor, mi Salvador!"

Cu e canto aqui e culto a ser clausura y na e porta y trapi di Iglesia, tur tabata braza otro y duna man. E ministro tabata e promer qu a saluda Julio y a bis'e, qu e ta desea, pa awe tardi e ta mei-mei di nan atrobe. Pero sigun e tabata tende na e ministro, su bistanan tabata busca den e hendenan qu tabata bandona porta di misa. El a comprende qu di man ta un deber di hermandad y asina su mannan tambe lo por contra cu esnan di e mosa bunita aqui. Sigun e otro miembronan tabata acerca e ministro, el a haya ocasion dibay na e parti caminda hermano Feliz tabata combersa cu e mosa di su encanto.

Di momento qu, Feliz a percibi Jul, el a introducir'e na e senjorita bisando:

"Hermana, esaqui ta mi amigu Julio!"

"Mi ta contentu di weta senjor Julio mei-mei di nos!"

"Julio esaqui ta hermana Clara!"

Combersando cu otro, e creyontenan, hermano y hermananan den fe tabata despedi di otro y cohe camina pa nan cas. Feliz tabata chafeer di bus y Julio a tuma lugar banda di dje y parti patras tambe algun hermano y hermana qu e sa hiba cas tur Diasabra despues di misa.

Julio tabata, ansioso pa tur baha pa caba pa e por informa Feliz di e bunita hermana di q uende el a desea hopi cos.

Den bus a reina un babel enorme y tur tabata papia den otro. .

"Hermano no a tende quico e palabra ta bisa nos awe mainta?"

"Si, hermana nos mester ta prepara pasobra finta cerca."

Christu mes a bisa pa nos prepara ward'e; el a priminti qu e ta bini y nos mester prepará.

Julio su cabez tabata bira di tur e papiamentu y e no por a comprenden realidad ta di quico e cosnan aq ui tabata nifica.

"Hermano Feliz, bo mester haci tur bo esfuerzo pa e brother aqui drenta nos Iglesia. Pa hende salba for di e cosnan qu ta bini pa e mundu aqui nos mester bautiza y drenta Iglesia di Dios."

Julio no tabata carga su cabez cu ningun di e palabranan aqui y sigun Feliz tabata baha, su rumannan den Christu, un pa un, na porta di nan cas e tabata sinti'e mas alivia.

Poco ratu despues nan dos tabata sol.

"Feliz, ta quende e mucha muher bunita ey ta?"

"Esey ta un hermana di nos qu a bini di Aruba hunto cu su mama y dos ruman muher mas."

"Feliz, mi no a quere qu entre bosonan tabatin tantu mucha muher bunita asina y ademá unu manera Clara mi no a aspira di topa aqui; un senjerita di nos tempu moderno no ta bay hinea su culpa den un religion, caminda e mester warda Diasabra pa lugar di Diadomingo."

"Si Julio, den nos pais aqui ta' siná pasobra e mayoria ta catolico, pero na Colombia y otro partinan di mundu nos religion ta mas popular; Aya si bo por mira hopi mosanan bunita den nos Iglesia, y tur ta warda Sabbath."

"Ma Feliz, lubida riba esey; bisa mi un cos e hermana bunita ey e tin enamorado?"

"Mi'n sa Jul, pero nunca mi a mir'e cu al-

gun joncuman. Y pa e tin un joncum an, e mes-
ter tin sigur q u esaquí tambe ta di mes un
religion cun'e.

"Ay no, esey si ta cos di loco Feliz; mi'n ta
quere q u den bijbel ta para skirbi qu pa un
mucha muher casa, tantu e. como e homber mes-
ter ta di mes un religion."

"Bo'n ta q uere esey Julio, pero Dios a pro-
bihi hudionan di mescla cu otro pueblonan."

"Ma Feliz, boso no ta hudio, boso ta adventista."

"Julio, bo no sabi q u nos tambe mester obedec-
na e mes un leyman ey, pasobra ley no ta tra-
ha solamente pa hudionan, pero pa tur esnan
qu ta pertenece na pueblo di Dios."

"Anto Feliz, bo quier meen anto, pa un hende
ta pertenece na pueblo di Dios e mester ta
adventista?"

"Ta claro no mi hermano Jul!"

"Bueno Feliz, bo mes ta mira qu mi ta gusta
e mucha ey y como amigu bo mester haci mi e
fabor di introduci mi na su cas. Corda qu
abo a goza hopi den bo hobentud caba promer
bo a bira un adventista."

"Si, esey bo no ta ganja brother Jul, pero si
mi tabata sabi qu ta malu mi tabata haci,
nunca lo mi no a haci loq ue mi a hacincaba
den e mundu aqui."

"Ay Feliz, homber laga di lamentá, tur cos
qu Dios a pone den mundu ta pa hende haci."

"No Jul, bo ta gran equivocá, tur loque Dios
a pone pa hende haci ta bon y maldad ta in-
spiracion di Satanás."

Feliz tabata un homber hoben qu ya tabatin
ana miembro di e Iglesia aqui, pero no ob-
stante su debocion, semper el a gusta di ta
den fila di mucha-muherman. Cu hermana Cla-
ra y su hendenan e tabatin hopi confianza. --
Como bon amigu el a dicidi di hiba Julio na
cas di e mucha-muher qu esaquí a gusta asina
tantu.

Tabata riba un merdia despues di poco Luna qu ya Julio tabata bon conoci di hermana Clara y su hendenan. Como joncuman y hobencito e tabata sabi di haci su mes popular entre miembronan di Iglesia tambe. Den poco tempu e ta-bata sabi tur himno y otro canticanan di misa, tantu na Spanjo como na Ingle. Tur tabata desea pa e hoben inteligente aq ui tabata huntu cu nan, como ruman den e mes un fe. Julio tabata demonstra su boluntad di accepta e religion y tabata miembro di Clase di bautizo. Hermana Clara no tabata interesa di studia Biblia sol, pero alavez e tabata tuma les di piano cerca un hermana Ingles quende tabatin hopi decipulo. Y tabata riba e merdia, qu hermana Clara tabata sinta na piano, qu Julio a encontre. Cuantu dia y luna a pasa bay sin e por a bisa Hermana Clara su pensamentunan? Awor si, nan bis ta a topa cu otro. E promer impresion di e sonjorita na e momentu aq ui a fascina Julio un poco.

Clara manera nos ta sigui yam'e den e historia aq ui, su cabeynan tabata largu y abri q u case nan tabata cologa riba e piano. Julio a haya gana di pasa man den nan y caricia e bunita hermana cu su wowonan maron. Ora el a ripara qu tabata Julio el a sonrei cu su careda di djentenan bunita asina y a sigui toca.

E melodia di e himno tabata conoci pa Julio y acercando Clara el tabata canta:

"Ora Hesus ta bini"

"Ora Hesus ta bini"

"Mi quier bay den cielu"

"Cerca Dios."

Cu un tono largu di ultimo nota e himno a caba y Clara a lamta for di su sientu y a duna Julio man y a ofrece sinta. Den cas tabata silencio y solamente Clara tabatey, pasobra su maestra a sali.

"Mi ta contentu di weta hermana Clara awe y mi no sabi qu hermana ta toca asina bunita."

"Ay hermano Jul, ta awor mi a cumiza sinja; mi ta falta hopi les ainda; di bez en cuando mi ta purba toca algu di nos canticanan." Julio no a spera muchu ni tampoco el a sigui riba e toma di musica.

Hermana Clara, el a bisa. Ta hopi dia caba, esta for di e promer dia qu mi a mira hermana na misa, mi a gusta cu hermana su moda masha tantu y sigun mi a informa, hermana no tin ningun pensamentu di amor pa ningun hende."

Nos por a ripara qu hermana Clara ta un senjorita nasha serio y ademas e tabatin algun anja mas bieuw cu Julio, quende no a cumpli ni binti anja ainda.

"Ningun hende, el a contesta. Ademas nos no tin hopi tempu aqui; tur e hendenan qu mi sa topa cun'e, ta cuenta di religion sol nos sa papia y den nos Iglesia tur hende ta grandi y serio y mayoria ta homber y muher qu ta casa caba."

For di Clara su wowonan a resplandece un humildad y calma y sigun e tabata papia el a fiha abou na suela.

"Si, hermana Clara, si mi pidi bo pa bo ser mi enamorada, lo bo acepta mi o lo bo ninga pasobra mi no ta un adventista?"

"Hermano Jul por bira no? El a bisa cu calma y hari dushi asina.

Pa bo mi hermana Clara, el a bisa dramatico, pa bo mi ta bira no solamente adventista, pero tur cos!"

"Asina no Jul, un hende no mester bira pa ningun religion pa causa di muher; ami no ta desea asina. Mi a bira adventista pa mi salba for di e penanan qu Dios tin prepara pa esnan qu a desobedece su ley."

Julio a queda quetu y cambia e conversacion puntrando: "Mi tin gana di conoce hermana; su tata, e tambe mester ta un bon hende y na unda e ta?"

"Mi tata? Ay, e ta for di tera; for di dia qu nos a bira adventista el a rabia y case e no ta puntra mes mas pa nos."

Julio a sagudi su cabez manera un hende qu a haya pena pa e modo qu e senjorita a expres'e. Den su cara Julio a leza nostalgia.

"Hermana Clara, bo por permiti mi, pa ora nos dos sol ta huntu, pa mi yama bo solamente Clara?"

"Paq uico no, Jul?"

"Hermana, mi q uier yama bo Clara, pasobra e saqui ta number di mi mama; mi quier ser bo enamorado pasobra Clara ta number di mi mama; mi stima bo pasobra bo yama Clara y bo por ser mescos y na lugar di mi mama, un mama pa mi!"

Jul su boz tabata resona yen di pasion y su wowonan tabata fiha riba Clara qu tabata scucha cu un risa riba su boca cu cara coloriza.

"Jul, com mi por sabi qu ta berdad bo ta papia?"

"Ay Clara, el suspira. Amor! E amor qu mi ta sinti pa bo, no t'awor mi a hay'e, ta un sintimentu qu a nace den mi, un amor qu semper a existi; bo no a leza qu Dios ta amor?"

"Si Jul!"

Clara bo no leza y sinja tambe qu semper y promer qu eternidad Dios a existi?"

Clara a sagudi cabez afirmativo.

"Owe! Clara, si Dios ta amor y si El a existi promer qu eternidad, mi amor tambe, qu na e momento aqui mi ta ofrece bo, tabata tey caba. No solamente mi amor a existi promer qu mi a mira bo, pero nos dos tambe a biba caba riba e mundu aqui. Mester a existi un mundu den cual nos dos a conoce otro ayera; un dia nos a biba y muri bay laga otro atrobe y ta pesey Clara, e promer dia qu mi a mira bo, bo presencia a atrae mi."

No obstante qu e palabranan bunita a haci impresion riba Clara el a contesta:

"Jul, loque bo ta bisa ey, nos a sinj'e den nos bijbel; ta imposibel pa hende nace dos biaha; si un hende muri e no ta nace mas!"

"Clara, si, hende no ta nace mas, ta di com nos Senjor Hesu-Christu ta bisa na Nicodemo, "Si un hende no nace di nobo e no por mira Reino di Dios?"

"Si, esey ta otro cos Jul, Christu no quier a meen manera bo ta splica; el a bisa Nicodemo den e sentido, qu e homber aqui mester arrepenti y lubida tur e cosnan di mundu pa e por haya bida eterna."

"Anto bo no ta, quere qu por ta berdad qu ami cu bo tabata existi caba? Si nos dos no tabata existi, si e amor qu mi ta sinti pa bo no tabata biba den mi curazon caba, anto ta di unda el a bini anto mi bida? Tin hopi cos qu bijbel no ta bisa, pero si unavez nos tin boluntad liber, quico anto, por induci mi na queda sin quere, loque mi mes ta sinti ~~te~~ promer dia qu mi a mira bo a parce mi qu mi mester a yega di mira bo un dia, mi mes no ta corda, pero pa mi bo no a parce un stranjo, un hende qu mi no a mira nunca." Sigun ora tabata hala, Clara tabata mira na olochi y e tabata sinti qu a bira

ora di e bay su cas.

"Jul, tin trabou ta warda mi na cas; bo ta bin i aya atardi pa cera Sabbath huntu cu nos?"

"Clara, lo mi ta promer hende qu lo tey cerca bo; pero promer mi bay, permiti mi un cos."

"Quico asina Jul?"

"Clara, permiti mi pone un sunchi riba bo man como sinjal di mi amor."

"Un sunchi ta sinjal di amor Jul? Acaso bo'n sabi qu ta cu un sunchi Hudas a traiciona su maestro?"

"Paq-uico anto bo quier sunchi mi man?"

"Clara, e amor qu mi ta sinti pa bo, ta manera un vlam di candela qu ta quima mi curazon y ta solamente un sunchi por fria mi dolor, ora mi labionan contra cu bo manonan suave."

Clara a saca su man y a despedi di Julio, quende a primi un sunchi riba e mannan blancu y dushi di e senjorita religiosa.

"Mi ta bay Clara, pero quere mi, e ratu di ora qu mi a pasa huntu cu bo, ta mescos qu ta den cielu mi tabata."

"Corda qu bo haya bo den cielu mes Jul!"

"Ay mi amor, mi ta sinti mi mescos qu na momentu qu mi ta den bo compania; mescos qu mi ta adora na Dios mi por adora na bo tambe. Si pa Dios mi mester canta e canticanan di alabanza pa bo mi mester canta e canticanan di amor." En realidad cada palabra qu tabata sali di boca di e hoben aqui, tabata bay den pensamentu, y curazon di Clara. Den su alma tambe tabata reina loq ue Julio tabata sinti. Sigun esaquí tabata camma bay, e tabata mir'e, manera un hende, qu quier a yam'e, pa e sigui papia pa e ten de. Julio no tabata papia simplemente, pero e tabata declama su amor! E tabata papia cu convicción di un homber qu tabata meen loque e tabata bisa, na su q uerida Clara.

Ora solo tabata bahando na cas di Clara, mei-mei di algun creyente, Julio su boz tabata resona. Mientras tur tabata reza na ru-dia for di Julio su curazon tabata sali un oracion. Pero no dirigi na Altaar di Dios, ma na pedestal di e senjorita di su encanto, hermana Clara. Julio no tabata pidi pa e gana Bienaventuranza, ni tampoco pa e drenta Reino di Dios den Jerusalem Nobo, pero e amor di e alma femenina aqui.

Quico a import'e fiernu cu tur su martirionan? Qui balor cielu mes tabatin p'e cu tur su delicianan, sin amor di Clara?

Ay, Clara mi amor! Pa bo como creyente di e religion aqui tin alegria ora solo ta baha. Manjan qu ta Diasabra, ta bo dia di Senjor, pero pa mi alma loco enamora bo tras lo no tin dia ni anochi. Pa mi semper bay ta tiniebla y como ya mi a costumbra di sufri, solo por queda sin sali nunca mas!

Algun biaha e senjorita tabata drei y hiza su cará mira Julio. E por a leza e homber aq-ui su pensamentu. E hoben su bistanan tabata dirigi na dje.

"Nuestro sol se ha puesto ya..."

Asina e letranan ta bisa, sigun tur e rasyonan di plata a desaparece for di e barrancanan. Cielu a cumiza bira scur lagando lugar pa un luna nobo q u poco-poco tabata trece su claridad na universo. Mientras hermano y hermananan tabata bay, strecanan tambe a cumiza ilumina cielu.

Den balcon di cas di Clara, Julio tabata para, sperando e

momentu qu Clara lo bini cerca dje. E no tabatin muchu di spera, pasobra na su lado, ya tabata para e mosa di su anhelo. E rayonan di e luna creciente, e splendor di streanan a iluminan nan cara.

"Clara, e streanan y e luna ey, awe ta mi testigu qu bo ta mi amor. Bo quier accepta e loque mi a puntra bo awe merdia ? Enberlad mi ta un mucha-homber hoben, pero esey no ta quita qu loque mi ta sinti pa bo no ta realidad."

"Mi ta quere bo Jul y ademas un homber qu ta tuma cielu y tera pa su testigu, luna y streanan mester ta papia berdad."

Julio a drei cara waak qu no tabatin ningun hende den cercania y despues el a tuma Clara den su braza y nan dos tabata sunchi otro.

"Ay Clara, ta den bo braza sol mi dolorman di amor por fria."

Bo por quita mi di quere qu Jerusalem nobo ta nada mas q-u aspiracion di Apostelnan y qu ta bo mes ta e cielu di mi alma ? Bo por quita mi di quere qu tur loque ta cielu ta un sonjo qu e profetanan a sonja ?"

Clara tabata asina tantu apasiona qu ni contestata e no por a duna y rechaza e blasfemianan qu Julio tabata expresa, bou di su fanatismo di amor.

El a lubida mes qu e tabata den balcon di cas di su mama y qu esaqui por bin haye den braza di un amante qu no tabata un adventista bautiza. Riba e dia aqui Julio y Clara a hura otro fidelidad y qu nan dos lo stima otro, no obstante quico qu lo por sucede.

(E TA SIGUI)